

HYLLI I DRITËS

Ubi Spiritus Domini, ibi libertas.

(II. ad Cor. III. 17).

	XXVIII Nandori	Fq. 577
	<i>(Gjitham)</i>	
	Lirin shkoj tuj kerkue...	„ 586
	<i>(Flaka)</i>	
PROBLEMI TURISTIK		
	Le Tourisme Suisse	„ 594
	<i>(A. Swicendowski)</i>	
VJERRSHE		
	Kujtime Nandorit	„ 594
	<i>(N. Cupli)</i>	
PJESA HISTORIKE		
	„Shqiptari“ i 1912-s	„ 601
	<i>(Shpend Bardhi)</i>	
	Dokumenta mbi relacione mjes të Napolit e familjes së Kastriotre	„ 617
	<i>(a. g.)</i>	
	Oroena mbi hartë të Shqipërisë	„ 620
	<i>(Gelastius)</i>	
NOVELA E „HYLLIT“		
	Dy kamë në një kpuçë	„ 625
	<i>(Andre Skanjeti)</i>	
	Lojë të komtare	„ 632
	<i>(A. Donat Kurti)</i>	
	Lajme rrokull Shqypnis	„ 635
	Kreth botës	„ 639
	Prralla. — Fash. II.	„ 81
	<i>(A. Donat Kurti)</i>	

XXVIII NANDORI

Dita « XXVIII NANDUER » shenjoj ngjarjen historike mâ të madhe të Kombit Shqiptár, pse, me shpalljen e Mvetësis, rilindi ndërgjegja komtare qi katër shekuj e mâ e kishin mbajtur ndrydhun në kthetrat e tiranis mâ të zezë.

Nji ditë e njimijë kujtime t' ambla e të dhimbëshme qi nuk mjafton t' i kujtojmë me kremtime, valime flamujsh, zhbraze fishqetash, drita dhe brohoritje.

Kjo ditë e ky «rit» kerkon prej çdo Shqiptari sherbyes t' Atdheut nji sqyrtim ndërgjegjeje: *a e ka meritue dashnín e popullit dhe flijet e Kombit, të dëshmorvet, qi dhanë jeten per ketë liri qi sot po gëzon?*

Me i vû kamben së kaluemes apo m' e mbulue me tisin e heshtjes, don me thanë me dashtë me harrue të gjithë bukurín e asajë ngjarje fatbardhe per Kombin mbarë kur prej nji anije miqesh shgarkoi në sqelen e Durrësit çeta e vogel, por guzintare atdhetarësh me i prîmun vllaznis shqiptare të shperndame si zog i truem, fjalen e liris dhe të bashkimit nen flamurin kuq e zî të Gjergj Kastriotit.

Kur fjala e asajë çete nuk gjet aty besnikë, u-kundershtue prej anmiqve të Kombit të kryesuem prej Jakovit, Mitropolit të Durrësit, mprojtës i flakët i gjysmëhanës, ajo çetë nuk u-zmbrap, por vazhdoi udhen, çau urdít e thyme të Turkut e drejtë në Vlonë hýll q' i ndriti udhen çetës shpetimtare, Lajmtare e vertetë per popullin shqiptár.

Pas atyne ishte mbledhë të gjithë Atdheu, luftarë të sa luftave kombtare, trima legjendarë, të cilët brohoriten fjalen mesjanike të çetës trime me *Ismail Kemalin* e *Luigj Gurakuqin* në krye, binom i padamë, qi persosi epopén kombtare

